



Planuar / Dorezuar Prilijeno / Prodato Received / Delivery	16-03-2023	3	viti god year
Organ / Njesia Org. / Jedinica Org. / Unit	Nr. Prot. Br. Prot. Prot. No.	Shtojca Prilog Appendix	Sasia Kolicina Quantity
SKM87CK	2745/2023		119



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.75/2023

Këshilli i Pavarur Mbikëqyrës për Shërbimin Civil të Kosovës - Kolegji për Shqyrtimin dhe Vendosjen e Ankesave i përbërë nga: Malsore Gashi Bajraktari-kryetare, Arben Mehmeti dhe Ardit Haxhnikaj Demi-anëtarë, me Flakron Gashi-Zyrtar i Lartë për Bashkëpunim Profesional, në cilësinë e procesmbajtësit, ka shqyrtuar ankesën me numër A.nr.75/2023 të datës 17.01.2023 të ankuesit me adrese banimi: "Driton Islami", Komuna e Ferizajt, në çështjen juridike "kontestim konkursi", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 16.03.2023, mori këtë.

V E N D I M

Përfundon procedimi administrativ i filluar sipas ankesës me numër A.nr.75/2023 të datës 17.01.2023, të parashtruar nga ankuesi

A r s y e t i m

Kolegji për shqyrtimin dhe vendosjen e ankesave, nga shkresat e lëndës ka konstatuar se Ministria e Punëve të Brendshme me datë 02.11.2022 ka shpallur konkursin për pozitën "Specialist i Shkencave Shoqërore (RN00010341)" në të cilin ka aplikuar edhe ankuesi Besim Aliu, mirëpo sipas Vendimit me Nr.86/2023 të datës 06.01.2023 i është refuzuar aplikacioni me numër të kodit RAN0009361 i datës 30.11.2022 me arsyetim se nuk i ka dorëzuar të gjitha dokumentet e kërkuara në konkurs.

Ankuesi ka parashtruar ankesë në Këshillin e Pavarur Mbikëqyrës për Shërbimin Civil të Kosovës me datën 17.01.2023 me pretendimet ankimore se është i vetëdijshëm se me rastin e aplikimit online përmes SIMBNJ i ka bashkangjitur të gjitha dokumentet e kërkuara me konkurs duke përfshirë edhe Certifikatën të lëshuar nga Gjykata që nuk është i dënuar me vendim të formës

së prerë për kryerjen e një vepre penale me dashje, ndërsa pretendon se ekziston ndonjë lëshim teknik nga ana e SIBMNJ.

Këshilli i Pavarur Mbikëqyrës për Shërbimin Civil të Kosovës (me tej Këshilli) bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, e ka proceduar me datë 23.01.2023 kërkesën për përgjigje në ankesë të Ministria e Punëve të Brendshme. Ndërsa Këshilli me datë 07.02.2023 ka pranuar përgjigjen në ankesë se bashku me shkresat lidhur me çështjen në procedurë.

Më Vendimin me numër protokolli 2304/2023 të datës 03.03.2022, Kryetari i Këshillit të Pavarur Mbikëqyrës për Shërbimin Civil të Kosovës ka vazhduar afatin për vendosje të ankesës A.nr.75/2023 të datës 17.01.2023 edhe për dhjetë (10) ditë pune.

Kolegji për Shqyrtimin dhe Vendosjen e Ankesave, për vendosje meritore, ka administruar këto prova: Ankesën e datës 17.01.2023 të parashtruar në Këshillit të Pavarur Mbikëqyrës për Shërbimin Civil të Kosovës; Vendimi i lëshuar nga Departamenti për Menaxhimin e Zyrtarëve Publik me numër 86/2023 i datës 06.01.2023; Ankesa e parashtruar në Divizionin për Zhvillimin e Rekrutimit dhe Inspektimit në kuadër të Departamentit për Menaxhimin e Zyrtarëve Publik e datës 07.01.2023 me korrespondencën e bashkangjitur- Certifikatë e lëshuar nga Gjykata Themelore në Prishtinë PN.NR/KR.Br.5386/2022 e datës 29.11.2022; Vendim i Departamentit për Menaxhimin e Zyrtarëve Publik me numër 55/2023 i datës 13.01.2023; Kërkesa për përgjigje në ankesë e datës 23.01.2023; Përgjigja në ankesë e datës 07.02.2023; Konkursi i datës 02.11.2022; Lista e aplikantëve; Lista e kandidatëve të aprovuar dhe refuzuar; Njoftim mbi listën e ngushtë e datës 06.01.2023; Njoftim mbi plotësim ndryshimin e listës së ngushtë e datës 24.01.2023; Aplikacioni i ankuesit i datës 30.11.2022; Diplomë e lëshuar nga Universiteti i Prishtinës " Hasan Prishtina", Fakulteti i Edukimit- Master me numër 217 i datës 01.10.2019; Diplomë e lëshuar nga Universiteti i Prishtinës " Hasan Prishtina", Fakulteti i Edukimit me numër 1248 i datës 24.07.2013; Certifikatë e lëshuar nga Ministria e Arsimit Shkencës dhe Teknologjisë; Certifikatë e lëshuar nga Ministria e Arsimit Shkencës dhe Teknologjisë dhe Sindikata e Bashkuar e Arsimit, Shkencës dhe Teknologjisë; Certifikatë e lëshuar nga Ministria e Arsimit Shkencës dhe Teknologjisë dhe KAPIE e datës Maj 2019; Certifikatë e lëshuar nga JICA e datës 08.03.2017; Certifikate e lëshuar nga JICA e datës 25.11.2016; Certifikatë Kompletimi e lëshuar nga Development & Education Association dhe nga Ministria e Arsimit Shkencës dhe Teknologjisë e datës 15.10.2014; Certifikatë Pjesëmarrje e lëshuar nga Chemistry- Gara Kombëtare në Lëndën e Kimisë e datës 09.04.2019; Certifikatë e lëshuar nga Qendra për Arsim në Kosovës me numër 12137/035 e datës 15.12.2008; Certifikatë e lëshuar nga Qendra për Arsim në Kosovës me numër 11288/031 datës 02.07.2008; Certifikatë Pjesëmarrje e lëshuar nga Chemistry- Gara Kombëtare në Lëndën e Kimisë e datës 18.04.2010; Certifikatë e lëshuar nga USAID, Ministria e Arsimit, Shkencës dhe Teknologjisë dhe fhi360 me numër 16436/046 e datës Shtator 2013; Certifikatë Kompletimi e lëshuar nga Development & Education Association dhe nga Ministria e Arsimit Shkencës dhe Teknologjisë e datës 27.04.2014; Certifikatë e lëshuar nga Care dhe Karl Kubel Stiftung fur Kind und Familie e vitit 2005; Certifikatë e lëshuar nga Ministria e Punëve të Brendshme e datës 07.02.2023; Vërtetim i lëshuar nga SHFMU "Naim Frashëri" në Ferizaj me numër të protokollit 120/22 e datës 16.11.2022; Letër reference e lëshuar nga Inspektori i Arsimit në Ferizaj e datës 27.08.2013; Referencë e lëshuar nga SHFMU me nr.prot.63/22 e datës 19.07.2022; Kopja e letërnjoftimit; Vlerësimi përfundimtarë i drejtorit të shkollës për vitin shkollor 2021/2022 i datës 27.06.2022; Vlerësimi përfundimtarë i drejtorit të shkollës për vitin shkollor 2020/2021 i datës 30.06.2021; Vërtetim i lëshuar nga SHFMU "Naim Frashëri" në Ferizaj me numër të protokollit 124/22 e datës 30.11.2022;

Licencë e Mësimdhënësit e lëshuar nga Ministria e Arsimit Shkencës dhe Teknologjisë me numër 100006386 e datës 10.12.2012; Mirënjohje e lëshuar nga SHFMU e datës 25.05.2018; Deklaratë për mos ushtrimin e funksioneve politike e datës 29.11.2022; CV e aplikuesit; E-mail i dërguar nga A.K drejtuar KPMSHCK datës 22.02.2023; E-mail i dërguar nga A.P drejtuar J.K e datës 22.02.2022; Njoftimin e datës 15.02.2022.

Kolegji për Shqyrtimin dhe Vendosjen e Ankesave pasi ka shqyrtuar shkresat e lëndës, konstatoi që të përfundoj procedimi administrativ i filluar sipas ankesës me numër A.nr.75/2023 të datës 17.01.2023, *sepse*:

Nga shqyrtimi i provave të çështjes, Kolegji ka konstatuar së Departamenti për Menaxhimin e Zyrtarëve Publikë pranë Ministrisë së Punëve të Brendshme, më datë 02.11.2022 ka shpallur konkursin e jashtëm me numër reference RN00010341 për grupin e pozitës *Specialist i Shkencave Shoqërore/ Inspektor i Arsimit*, në Inspektoratin e Arsimit, i hapur për aplikim nga data 23.11.2022 deri me datë 07.12.2022. Në konkursin në fjalë kishte aplikuar edhe ankuesi, mirëpo në fazën e shqyrtimit paraprak, Njësia Përgjegjëse/Departamenti për Menaxhimin e Zyrtarëve Publikë me Vendimin me Nr.86/2023 të datës 06.01.2023 ka refuzuar aplikacionin e ankuesit për shkak se i njëjti nuk ka dorëzuar të gjitha dokumentet e kërkuara sipas konkursit respektivisht kopjen e dëshmisë së punësimit.

Me tej nga shkresat e lëndës rezulton së ankuesi me datë 07.01.2023, ka paraqitura ankesë kundër Vendimit Nr.86/2023 të datës 06.01.2023 të Departamentit për Menaxhimin e Zyrtarëve Publikë, ndërsa ky i fundit me Vendimit me Nr.55/2023 të datës 13.01.2023, ka refuzuar ankesën e ankuesi si të pabazuar, po me arsyetimin së ankuesi nuk ka dorëzuar dokumentet e kërkuara sipas konkursit, gjegjësisht nuk ka bashkangjitur çertifikatën e Gjykatës që dëshmon se nuk është i dënuar me vendim të formës së prerë për kryerjen e një vepre penale me dashje jo më të vjetër se gjashtë (6) muaj.

Ankuesi në ankesën e parashtruar në Këshillin e Pavarur Mbikëqyrës për Shërbimin Civil të Kosovës, preton se e ka bashkangjitur Çertifikatën e datës 29.11.2022 të lëshuar nga Gjykata Themelore në Prishtinë-Departamenti për Çështje Administrative.

Ankuesi brenda afati ligjor parashtron ankesë në Këshillin e Pavarur Mbikëqyrës për Shërbimin Civil të Kosovës, kundër Vendimit Nr.55/2023 të datës 13.01.2022 të Departamentit për Menaxhimin e Zyrtarëve Publikë, për shkak të vërtetimit të gabuar të gjendjes faktike lidhur me dokumentet e aplikimit si dhe mos shqyrtimit dhe mos verifikimit të dëshmimeve të parashtruara me rastin e parashtrimin të ankesës në Departamentin për Menaxhimin e Zyrtareve Publikë, duke kërkuar anulimin e vendimit të kundërshtuar me ankesë dhe që lënda të kthehet në rishqyrtim.

Po nga provat e lëndës, Kolegji ka gjetur së Departamenti për Menaxhimin e Zyrtarëve Publikë, përkundër ankesës se ankuesit kishte vazhduar me procedurën sipas konkursit të jashtëm me numër reference RN00010341, me ç'rast përmes njoftimit të datës 15.02.2023 ka bërë anulimin e konkursit për grupin e pozitës "*Specialist të Shkencave Shoqërore-Inspektor i Arsimit*", kurse në përgjigje të kërkesës së Këshillit, përmes e-mailit të datës 03.03.2023, ka informuar Kolegjin se, citoj "*Sipas kërkesës suaj, ju njoftojmë se anulimi i konkursit për grupin Specialist të Shkencave Shoqërore....., ka ndodhur për shkak të gabimeve përmbajtjesore në kriteret e konkursit, për këtë arsye është parë e nevojshme të anulohet kjo procedurë*".

Kolegji i Këshillit thekson faktin së kundër Njoftimit të datës 15.02.2023 për anulim të konkursit të jashtëm me numër reference RN00010341, për grupin e pozitës "Specialist të Shkencave Shoqërore-Inspektor i Arsimit", kandidati [redacted] e datë 22.02.2023 ka parashtruar ankesë me numër A.nr.399/2023 në Këshillin e Pavarur Mbikëqyrës për Shërbimin Civil të Kosovës.

Këshilli duke vendosur sipas ankesës A.nr.399/2023 të datës 22.02.2023, ka shqyrtuar ligjshmërinë e anulimit të procedurës sipas Konkursit me numër reference RN00010341 dhe më Vendimin me numër A.nr.399/2023 të datës 15.03.2023 ka refuzuar ankesën me numër A.nr.399/2023 të datës 22.02.2023, duke lënë në fuqi Njoftimin e datës 15.02.2023 të Departamentit për Menaxhimin e Zyrtarëve Publikë, pasi që në vlerësimin e Këshillit, procedura e zhvilluar sipas konkursit me numër reference RN00010341 është përfshirë me shkelje procedurale dhe materiale, kështu që anulimi i kësaj procedurë është konsideruar i bazuar dhe i ligjshëm.

Andaj, duke qenë së objekti i ankesës A.nr.75/2023 i datës 17.01.2023 ka të bëjë me procedurën e konkursit me numër reference RN00010341, për grupin e pozitës "Specialist të Shkencave Shoqërore-Inspektor i Arsimit", e cila procedurë është anuluar nga njësia përgjegjëse dhe meqenëse Këshilli me vendim meritore ka lënë në fuqi njoftimin për anulim të datës 15.02.2023, Kolegji konstaton së objekti i ankesës A.nr.75/2023 është bërë i pamundur për shqyrtim dhe vendosje, dhe si rrjedhojë në kuptim të dispozitave të nenit 104 të Ligjit Nr.05/L-031 për Procedurën e Përgjithshme Administrative më të cilat është përcaktuar se: *Procedura administrative gjithashtu përfundon kur organi publik kompetent vlerëson se objekti për të cilin ishte nisur procedura ose qëllimi i saj është bërë i pamundur apo i kot*, vendosi që të përfundoj procedimin administrativ i filluar sipas ankesës së ankuesit [redacted].

Përmbledhur si me lartë, Kolegji për Shqyrtimin dhe Vendosjen e Ankesave në mbështetje të nenit 18 paragrafit 1 nën paragrafit 1.5 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda me numër A.nr.75/2023

Flakron GASHI

Zyrtar i Lartë për Bushkëptim Profesional

Malsore GASHI BAJRAKTARI

Kryetare e Kolegjit

Vendimi i dërgohet:

- Ankuesit
- Drejtorit të Departamentit për Menaxhimin e Zyrtarëve Publik, dhe
- Arkivit të KPMShCK-së.